

FONDACIJA
TUZLANSKE
ZAJEDNICE

Darujte zajednici, darovali ste sebi !

DARIVANJE ZAJEDNICI

— Vodič za donatore —



Vaše darivanje je ostavština za buduće generacije

Izdavač:

Fondacija tuzlanske zajednice Tuzla

Za izdavača:

Jasna Jašarević, izvršna direktorica

Uredili:

Jasna Jašarević i Tarik Baraković

Tekst pripremila:

Jasna Jašarević

Dizajn naslovnice:

Dejan Slavuljica

Štampa:

„OFF-SET“ Tuzla

Tiraž:

200 primjeraka

©Fondacija tuzlanske zajednice

2018. sva prava pridržana

Zahvaljujemo se našim donatorima:


CHARLES STEWART
MOTT FOUNDATION

B | T | D The Balkan Trust
for Democracy
A PROJECT OF THE GERMAN MARSHALL FUND

Stavovi iskazani u ovoj publikaciji isključivo odražavaju mišljenje izdavača
i ni u kom slučaju ne predstavljaju stavove donatora koji su podržali izdavanje iste.

Razvoj filantropije¹ i odgovor na potrebe zajednice

Fondacija tuzlanske zajednice ima jedinstvenu misiju da promovira filantropiju i uključivanje svih u razvoj zajednice. Mi radimo na povezivanju pojedinaca, preduzeća, porodica i drugih donatora da, pod istim krovom, zajednički organizujemo dobrovoljno darivanje za podršku civilnom sektoru u tuzlanskoj regiji. Kroz filantropske fondove, protočne ili zadužene, tematske, namjenske ili fondove za stipendiranje, kao i memorijalne, dugoročno možemo da pružamo podršku inicijativama i projektima za dobrobit zajednice.

Potrebe zajednice nisu nikada bile veće

Postoje velike potrebe i dobri razlozi da darujemo zajedno, baš ovdje u našoj lokalnoj zajednici, na našem kućnom pragu:

- Broj neprofitnih organizacija u TK stalno raste, jer civilni sektor nastoji da doprinese rastućim zahtjevima za uslugama koje nisu pokrivene od strane privatnog ili javnog sektora.
- U isto vrijeme, darivanje udruženjima, koja rade za dobrobit društva, još je uvijek na niskom nivou.
- Ovaj disbalans između ponude i potražnje u neprofitnom, volonterskom sektoru, smanjuje kvalitet življenja u našoj zajednici za veliki broj naših sugrađana.

Istrajni u radu za bolje uslove življenja

Svakodnevno, tim Fondacije tuzlanske zajednice radi sa aktivistima, liderima i volonterima u zajednici, sa neprofitnim organizacijama u TK, kako bi se što bolje upoznali sa kritičnim potrebama ljudi u našim lokalnim zajednicama. Nekada su najveće potrebe zajednice bile za hitnim intervencijama kao odgovor na prirodne katastrofe, kao što su bile velike poplave 2014. Danas su najveće potrebe u pružanju podrške najosjetljivijim kategorijama, djeci i mladima, starima i bolesnima, te stoga podstičemo stvaranje sigurnog i perspektivnog okruženje za zdravo odrastanje i zdravo starenje. Sutra će naša zajednica trebati možda više stipendija za učenike koji ne mogu sebi priuštiti nastavak školovanja ili će trebati više investicija za male poduzetnike, koji samo tako mogu pronaći izlaz iz nezaposlenosti i razlog za ostajanje u svojoj zemlji. U suštini, potrebe naše zajednice se stalno mjenjaju. Zbog toga, mi stalno osluškujemo potrebe zajednice i nastojimo reagovati na njene prioritne probleme i izazove.

Naša vrijednost #1

Nezavisna

Fondacija tuzlanske zajednice posluje samostalno, gradeći iskrene odnose s partnerima bez uplitanja u našu poslovnu politiku.

Fondacija tuzlanske zajednice je jedinstvena organizacija i resurs koji može pomoći zajednici da kontinuirano radi na poboljšanju uslova življenja za sve!



FONDACIJA
TUZLANSKE
ZAJEDNICE

Darujte zajednici, darovali ste sebi !

Fondacija tuzlanske zajednice je prva građanska fondacija u BiH, koja djeluje na području TK od 2003.godine. Osnovana je s ciljem pružanja podrške demokratskom razvoju lokalnih zajednica i poboljšanju uslova življenja u tuzlanskoj regiji. U partnerstvu sa međunarodnim donatorima, domaćim partnerima, udruženjima građana, vlastima, biznisima, porodicama i pojedincima, zalaže se za razvoj dugoročnih i nezavisnih fondova za podršku lokalnim projektima danas i u budućnosti.

¹ Čovjekoljublje - od grčke riječi *fil...*- ljubiti + *anthropos* – čovjek

Darivanje za zajednicu je dobra odluka koja će vam se stotruko vratiti!

Ovdje smo zbog vas da bi vam pomogli u planiranju vašeg ulaganja u zajednicu. Postoji mnogo razloga da sarađujete sa nama i ovdje vam navodimo samo neke:

- FTZ² vam može pomoći da lakše usmjerite svoju donaciju u skladu sa vlastitim željama i potrebama vaše lokalne zajednice;
- FTZ poznaje potrebe zajednice i lokalna građanska udruženja, te ima iskustva u finansiranju njihovih projekata i aktivnosti za opšte dobro;
- Vaša donacija će biti efikasnija, jer će biti udružena sa drugim donacijama, a podršku će dobiti projekti koji su u najvećoj potrebi;
- Možete biti sigurni da će vaša donacija dospjeti u prave ruke i da će sredstva biti potrošena na pravi način;
- Čak i sa relativno malim donacijama doprinosite rješavanju velikih problema u zajednici;
- Možete se povezati sa ljudima koji imaju slična razmišljanja kao vi, drugim donatorima na prijemima i događajima koje organizujemo;
- FTZ cijeni dobročinstvo svojih donatora! Mi želimo da vašu priču podijelimo sa drugima, putem naše web stranice i društvenih mreža. Naravno, možemo vam osigurati i anonimnost ako to želite;
- Ukoliko želite, možete povećati svoju promociju kroz projekte podržane iz vaše donacije;
- Koristeći usluge FTZ, možete izbjeći značajne troškove administriranja donacijama i grantovima prema lokalnoj zajednici.
- Donacija koju napravite prema FTZ priznaje se kao rashod pravnim licima u iznosu do 3% od ukupnog prihoda u poreznom razdoblju, te fizičkim licima u iznosu od 0,5% prihoda ostvarenog u prethodnoj godini od samostalne djelatnosti.

„Zamislite da svaka naša uložena marka u zajednicu vrijedi i za 100 godina! To nije teško zamisliti jer sve što sada pametno uložimo vrijedi i za stoljeće, a dobrobit od tog ulaganja imaće naši potomci i generacije koje dolaze. To se zove dobra investicija u budućnost!”

Kleck dr. Monika, jedna od osnivačica FTZ

² FTZ – skraćenica za Fondacija tuzlanske zajednice

Fond zadužbine

Nemožemo predvidjeti budućnost, ali se možemo pripremati za nju. Zbog toga je Fondacija tuzlanske zajednice, već od svog osnivanja, počela sa izgradnjom finansijske zadužbine, koja predstavlja ulaganje u budućnost naših zajednica. Svaki pojedinac ili preduzeće može pomoći da se uveća Fond zadužbine iz kojeg ćemo dugoročno ulagati u razvoj zajednice i u lokalne projekte.



Naša vrijednost #2 Pouzdana

Fondacija tuzlanske zajednice posluje zakonito, odgovorno i efikasno i čini sve da njeni partneri budu zadovoljni.

Investirajte sa nama u udružene tematske fondove

Fondacija tuzlanske zajednice vam nudi mogućnost da investirate u zajednicu putem udruženih fondova koji su osnovani u proteklom godinama, u skladu sa potrebama zajednice. Sredstva se obezbjeđuju kroz udruživanje donacija od stranih i lokalnih donatora i partnera, lokalnih vlasti, lokalnih preduzeća i pojedinaca. U periodu od 2003. do kraja 2017., FTZ je, na području Tuzle, Kalesije, Živinica, Srebrenika i Lukavaca, podržala 1255 projekata koje su implementirala građanska udruženja i grupe, uz veliki vlastiti doprinos kroz volonterski rad, ali i finansijsko ulaganje. Do kraja 2017., putem malih, srednjih i velikih grantova, ukupno je FTZ distribuirala 3 miliona KM za razvoj pomenutih lokalnih zajednica, u kojima djeluje već 15 godina! Oko 330.000 stanovnika TK je imalo koristi od FTZ podrške, dok je 30.000 aktivista učestvovalo u realizaciji podržanih projekata!

Fond za mlade „Omladinska banka“

Mladi su naš najveći resurs u zajednici. Mladi imaju snagu i energiju, kreativnost i entuzijazam da naše društvo mijenjaju i učine ga mjestom ugodnog življenja. Stoga je i naše strateško opredjeljenje da kontinuirano ulažemo u mlade, u njihov poduzetnički duh, ideje i projekte. Pod sloganom „Mladi za mlade“, kroz Omladinsku banku, distribuiramo oko 50 grantova godišnje za omladinske projekte. U odlučivanju učestvuju mladi članovi Odbora Omladinskih banaka u 5 pomenutih gradova TK, uzrasta od 15-30 godina. Grantovi su u vrijednosti od 1000 – 4000 KM, a najviše se vrednuju inovativne i poduzetničke inicijative mladih. Kako bi održali i/ili povećali podršku mladima trebamo i vas! SADA i u BUDUĆNOSTI! Donirajte u Fond za mlade!



Fond otvorene škole

Škole su generatori akcije i promjena. One predstavljaju mjesta gdje se susreću potrebe zajednice, potrebe djece i potrebe roditelja. Pružanjem podrške školama da postanu otvorene škole u zajednici, nastojimo povezati resurse škole i zajednice, kako bi se mijenjali uslovi za učenje i zdravo odrastanje naše djece. Svake godine, iz ovog fonda se podrži oko 10 školskih projekata u Gradu Tuzla. Grantovi su u vrijednosti do 1000 KM. Sredstva se obezbjeđuju kroz udruživanje donacija od stranih i lokalnih donatora. Zbog velike potrebe i odličnih rezultata školskih projekata, naša je želja da podršku proširimo na sve škole u TK, zbog čega otvaramo saradnju sa lokalnim i kantonalnim vlastima, te pozivamo nastavnike i roditelje da zajednički proširimo krug prijatelja ovog Fonda! Uključite se i vi! Investirajte sa nama u otvorene škole na cijelom području TK!



Naša vrijednost #3 Od povjerenja

Fondacija tuzlanske zajednice zakonito i stručno upravlja povjerenim finansijskim i drugim sredstvima i usmjerava ih na rješenje dugoročnih problema u zajednici.

Fond „Volim Tuzlu“

Fond „Volim Tuzlu“ je osnovan 2003. godine, kao prvi fond za podršku aktivnim građanskim udruženjima i grupama u Gradu Tuzla s ciljem jačanja uloge civilnog sektora u razvoju zajednice. Pružanjem redovne finansijske podrške građanskim inicijativama i projektima, 2 puta godišnje, želimo pomoći održivosti rada civilnog sektora u Gradu Tuzla. Građanska udruženja, organizovane građanske grupe i društva, imaju važnu ulogu u razvoju zajednice i stvaranju kvalitetnijih uslova življenja. Iz Fonda „Volim Tuzlu“ godišnje se podrži od 10-15 projekata u iznosima do 2000 KM po projektu. Građani su kroz ove projekte uredili javne površine i prostore za okupljanje građana, organizovali kreativne i edukativne radionice, aktivnosti prevencije mentalnog i fizičkog zdravlja, realizovali projekte očuvanja tradicije, kulture i sporta. Sredstva se obezbjeđuju kroz udruživanje donacija od stranih i domaćih donatora, te lokalnih vlasti. Kako bi svi zajedno pomogli radu i razvoju civilnog sektora pozivamo građane, preduzeća, te predstavnike vlasti da podrže razvoj ovakvih nezavisnih fondova u svim gradovima TK pod zajedničkim nazivnikom „Volim svoj grad“! Donirajte u Fond „Volim Tuzlu“ SADA, a u BUDUĆNOSTI pokrenite inicijativu za osnivanje ovakvog fonda u svom gradu!



Fond za aktivne zajednice

Razvoj naše države u mnogome zavisi od aktivnog uključivanja građana u njen razvoj. Mnogobrojni su primjeri dobro organizovanih građana, sjajnih lidera u zajednici, predanih volontera i aktivnih udruženja koji su bili podržani kroz Fond za aktivne zajednice kako bi realizovali akcije i projekte za bolje uslove življenja u svojim zajednicama. Oni su ostvarili dobru saradnju građana sa predstavnicima Savjeta MZ, vlasti, institucija i biznisa i tako podigli, na jedan viši nivo, partnerstvo između tri sektora. Pri tome su napravili značajne promjene u svojim zajednicama! Riješili su konkretne probleme u svojim naseljima, ali su ostvarili i demokratska prava da se slobodno organizuju, udružuju i donose odluke o prioritetima svoje zajednice. Zahvaljujući stranim ulaganjima, ali i doprinosom lokalnih donatora i vlasti, kroz ovaj Fond je, od 2013. godine, podržano preko 130 građanskih inicijativa i projekata u vrijednosti preko 300.000 KM. Projekti su podržani u iznosima od 2000 do 8000 KM za uređenja društvenih prostora, sportskih terena, ali i realizaciju edukativnih radionica i društvenih događaja. Možete i vi pomoći sličnim projektima u naseljima uključenim u Mrežu aktivnih zajednica. Donirajte u Fond za aktivne zajednice!



„Animirati ljude da se uključe i sa malo sredstava naprave velike stvari za sredinu u kojoj žive je veliki posao, a najvažnije što zajednica tada dobije su aktivni građani, spremni da pomognu i doprinesu razvoju svoje i drugih sredina. Ukoliko budemo radili još bolje i u projekte uključili djecu i kreativne mlade, onda ćemo sigurno u budućnosti imati aktere spremne da od svake zajednice naprave ljepše mjesto za život. Uključivanjem u projekte Fondacije, Mjesna zajednice Solina je postala baš takva sredina, ona u kojoj svi učestvuju u njenom kreiranju i napretku
Fadil Musić/Aktivista iz Aktivne zajednice Solina

Fond „Dokanj u srcu i duši“

Fond je osnovan od strane građana Doknja kod Tuzle, s namjerom da samostalno prikupljaju sredstva za podršku društveno-korisnim projektima za unapređenje uslova življenja stanovnika Doknja, Crnog Blata, Hidana i Svojtine. Prikupljena sredstva se prema želji osnivača i donatora, usmjeravaju na rješavanje prioritetnih problema u naselju. Prvi projekat renoviranja mrokrog čvora u društvenom domu u Doknju, realiziran je 2015. godine, zahvaljujući entuzijazmu, volji i ulaganjima od preko 60 aktivnih građana Doknja i okolnih naselja, u saradnji sa Savjetom MZ i gradskom upravom. Nakon toga su uslijedili projekti za uređenje sale i zamjenu stolarije u društvenom domu, dok je 2017. godine realiziran projekat pripajanja 40-tak kuća na prirodne izvore vode. U narednim godinama, osnivači žele više zagovarati kod gradskih vlasti za pripajanje cijelog naselja na gradski vodovod, te ulagati u kulturne i društvene manifestacije koje bi oživjele ovaj kraj.

osnivanja fonda, kao i načinu donošenja odluka o distribuciji sredstava. Donator može zadržati pravo da uspostavi kriterije i da, ukoliko želi, preporučiti korisnika donacije. FTZ savjesno rukuje svim donacijama i vodi odvojeno računovodstvo za svaki donatorski fond, što potvrđuju revizorski izvještaji na godišnjoj osnovi.

Fond „Škola za sve“

Ovaj namjenski fond je osnovan od strane uposlenika JU Mješovita srednja škola Živinice s ciljem unapređenja nastavnog procesa i podizanja kvalitete obrazovanja u ovoj školi. Zbog teške ekonomske situacije i nedostatka finansijskih sredstava za nabavku materijala, pribora i alata, te opreme, ova škola za obrazovanje kvalifikovanih radnika u Živinicama sa tradicijom dugom preko 90 godina, prva je škola u okruženju, koja se odlučila da proaktivnim pristupom mijenja uslove rada u svojoj školi. Osnivači fonda žele vlastitim doprinosima od uposlenika, učenika i roditelja prikupljati sredstva u fond, ali će uspostaviti saradnju sa svim zainteresovanim lokalnim preduzećima i pojedincima koji smatraju da je ulaganje u obrazovanje najbolja investicija u budućnost. Budite i vi donator Fonda „Škola za sve“ i tako otvorite mogućnost za kvalitetnije obrazovanje za preko 1500 učenika ove škole.

Otvorite vlastiti namjenski fond

Svaki pojedinac, porodica, grupa građana, preduzeće, organizacija ili druga fondacija, bez mnogo administrativnih procedura i finansijskih troškova, može osnovati vlastiti fond pri Fondaciji tuzlanske zajednice, za podršku civilnom sektoru i društvenokorisnim projektima u tuzlanskoj regiji. Jednokratnom donacijom ili redovnim godišnjim donacijama, donatori mogu osnovati, odnosno „izgraditi“ vlastiti fond, koji postaje operativan kada dostigne potrebni minimum u iznosu od 2000 KM. Tada započnemo distribuciju grantova i održavamo je na godišnjem nivou. Način ulaganja u vlastiti fond se definiše putem Ugovora o osnivanju fonda. Osnivač/i fonda smostalno odlučuju o nazivu fonda, o svrsi

Fond za Dom za djecu bez roditeljskog staranja Tuzla

Uprkos velikim naporima osoblja, nadležnih institucija i volontera da učine boravak djece u Domu bez roditeljskog staranja Tuzla ugodnim, potrebe su uvijek velike, a sredstva uvijek mala i nedovoljna. Upravo iz tih razloga, Osnivači Fonda, volonteri iz njemačke organizacije Jesuit Volunteers koji već dugi niz godina nesebično pomažu osoblju „Doma“ i njihovim štićenicima, su željeli osigurati dodatna finansijska sredstva za projekte i nabavke koje se ne bi mogle finansirati zbog nedostatka sredstava u budžetu nadležnog Ministarstva. Fond je osnovan sa početnim iznosom od 6.300 KM, u nadi da će se isti tokom godina održavati i rasti uplatama od drugih donatora iz lokalne zajednice i inostranstva. Iz početnih sredstava, finansiran je projekat renoviranja podova u 12 spavaonica i 3 trpezarije, te krećenje pomenutih prostorija i balkona. Dalja distribucija sredstava iz Fonda se vrši u skladu sa potrebama štićenika „Doma“ i zavisno od raspoloživih donatorskih sredstava. Svojom donacijom možete i vi pomoći da život djece i mladih u Domu bez roditeljskog staranja Tuzla bude što ljepši i ugodniji!

Naša vrijednost #4 Transparentna

Fondacija tuzlanske zajednice redovno informira javnost i donatore o svojim godišnjim aktivnostima.

Podržite postojeće ili otvorite vlastiti Fond za stipendiranje

Ukoliko vjerujete da obrazovanje doprinosi miru i prosperitetu naše zajednice i naše države, onda je ovo prava prilika da investirate u razvoj mladih kroz obrazovanje. Fondacija tuzlanske zajednice vam nudi mogućnost da uložite u postojeće fondove za stipendiranje ili da otvorite vlastiti fond kako bi inspirisali mlade i tako investirali u budućnost naše zajednice kroz obrazovanje! Vaše darivanje može ispuniti snove velikog broja mladih koji ne mogu priuštiti osnovna sredstva za smještaj, hranu i knjige tokom studiranja.

Fond za stipendiranje „Vitalis“



Vlasnik i direktor Tvornice bezalkoholnih pića i voćnih sokova „BONY“ doo Tuzla, g. Nermin Čolić je 2013. godine, osnovao korporativni fond u okviru Fondacije tuzlanske zajednice pod nazivom VITALIS FOND. Kao društveno odgovorna firma, Bony doo Tuzla želi olakšati mladim sportskim talentima u Gradu Tuzla pokrivanje troškova za redovno školovanje, treninge i takmičenja. Do kraja 2017., dodjeljeno je 14 stipendija mladim sportskim talentima u Gradu Tuzla, uzrasta od 15 do 19 godina. Pored sportskih uspjeha i uspjeha u školi, važni kriteriji za dodjelu stipendija su i preporuke njihovih trenera, uspjesi u sportskim klubovima, uslovi u kojima treniraju kao i dosadašnja podrška lokalne zajednice i materijalna situacija mladih sportista. Ukoliko želite i vi podržati mlade sportiste u Tuzli, uložite u ovaj fond! Naravno, uvijek možete odabrati da samostalno pokrenete fond za stipendiranje za podršku mladima koji se žele obrazovati, ali i ostati u Bosni i Hercegovini.

Naša vrijednost #5 Inovativna

Fondacija tuzlanske zajednice stalno traži nove ideje, metode i pristupe u radu sa donatorima, korisnicima i partnerima.

Fond za stipendiranje „Prometej“

Fond za stipendiranje „Prometej“ je osnovan u avgustu 2017. pri Fondaciji tuzlanske zajednice od strane grupe mladih osoba na početku karijere, koji vjeruju da svako od nas može i treba da doprinese razvoju bh društva. Osnivači fonda smatraju da je važno podržati mlade u njihovim naporima da se obrazuju, da budu aktivni članovi zajednice, te da budu nosioci razvoja i emancipacije bosanskohercegovačkog društva. Fond je namijenjen studentima koji su motivisani za aktivno djelovanje u zajednici i spremni su promovisati vrijednosti građanskih sloboda, demokratije, antifašizma, sekularizma i solidarnosti. Prve stipendije će biti distribuirane tokom 2018. Osnivači Fonda kontinuirano rade na proširivanju kruga donatora i prijatelja kako bi Fond tokom godina stalno rastao i kako bi što više stipendista mogli podržati. Pridružite im se i Vi! Bez obzira na visinu, svaka donacija će značajno pomoći mladima, koji studiraju na Univerzitetu u Tuzli, da unaprijede svoje vlastito obrazovanje.

Stipendisti Vitalis Fonda

2017/18 godina: Husein Selimović, Biciklistički klub „Zmaj od Bosne“; Stefani Krešić, Karate klub „KO“ Tuzla;
2016/17 godina: Husein Selimović, Biciklistički klub „Zmaj od Bosne“, Belma Omerović, KBS „Tuzla-Sinbra“; **2015/16 godina:** Emir Čerkezović, OKK Sloboda Tuzla, Rusmir Malkočević, AK Sloboda Tehnograd, Edin Gutić, STK Kreka Edelex; **2014/15 godina:** Emir Čerkezović, OKK Sloboda Tuzla, Mahir Kurtalić, AK Sloboda Tehnograd, Maid Sukanović, PK Zmaj Alpam, Azra Hadžihajdić, STK Kreka Edelex, **2013/14.godina:** Anita Perko, ŽKK Jedinstvo Tuzla, Melisa Hasanbašić, AK Sloboda Tehnograd, Mahir Kurtalić, AK Sloboda Tehnograd.

Napravite promjenu u zajednici koju volite

Fondacija tuzlanske zajednice nudi mogućnost pojedincima, porodicama ili grupama građana da sa jednokratnom ili redovnom godišnjom donacijom naprave promjenu u tuzlanskoj regiji. Uključite se u naš Klub filantropa tako što ćete :

- Podržati jedan ili više već osnovanih fondova za podršku lokalnim projektima ili stipendiranju mladih;
- Osnovati vlastiti namjenski, tematski, stipendijski ili memorijalni fond za podršku civilnom sektoru;

Fondacija tuzlanske zajednice savjesno rukuje svim donacijama i redovno informiše donatore i javnost o distribuiranim grantovima za lokalne projekte i lokalne organizacije.

Ove informacije se redovno objavljuju u našim godišnjim izvještajima i podliježu nezavisnoj finansijskoj revizorskoj kontroli na godišnjem nivou.

Fondacija tuzlanske zajednice dosljedno prati etičke kodekse poslovanja navedene u politici kvalitete, kao i politikama o prihvatanju donacija i distribuciji grantova.

Ukoliko ste zainteresovani za planiranje vašeg darivanja zajednici koju volite, javite nam se već DANAS!

Memorijalni fond

„Drvo za Angelinu – Drvo za prijatelja“

Memorijalni fond je osnovan u aprilu 2016., na inicijativu porodice, prijatelja i kolega Angeline Hodžić, koja je bila uposlenica Fondacije tuzlanske zajednice punih 10 godina i velika humanistica koja je uložila veliki trud u razvoj lokalnih zajednica na području TK. Simboličnom sadnjom drveća u mjesecu aprilu, porodica, prijatelji, kolege i aktivni građani, žele da se podsjetu na njen entuzijazam, optimizam i humanost. Do sada je, zahvaljujući nesebičnim donacijama od preko 100 donatora, članova porodice i prijatelja, posađeno je 400 sadnica drveća u 25 mjesnih zajednica u Tuzli, Lukavcu, Srebreniku, Kalesiji i Živinicama. Sadnice javora, breze, topole, zimzelenog i žbunastog bilja, kruške, jabuke i kajsije, danas ponosno rastu u dvorištima domova kulture, školskim dvorištima, parkovima i mjestima za igru i sport naših aktivnih zajednica! Svako zasađeno drvo raste kao simbol prijateljstva i pozitivnih vrijednosti kao i osjećaja odgovornosti za očuvanje prirodnog okruženja. Ukoliko i vi želite posaditi drvo u sjećanje na svog dragog prijatelja, bližnju osobu, koja vas je prerano napustila, možete to učiniti putem ovog fonda. Donirajte 20 KM za „Drvo za prijatelja“ ili više, za kupovinu novih sadnica, koje ćemo saditi svakog proljeća u saradnji sa aktivnim građanima u TK. Na ovaj način ćemo redovno obilježavati Međunarodni Dan planete Zemlje.

Fond solidarnosti

Fond solidarnosti je interventni fond, koji je osnovao Upravni odbor FTZ-a 2008. godine, s ciljem pružanja pomoći našim sugrađanima koji su se našli u teškoj životnoj situaciji izazvana iznenadnom nesrećom ili nepogodom. Kako bi lakše prebrodili ovakvu krizu, ovim porodicama se povremeno dodjeljuju kratkoročne pomoći, u saradnji sa Centrom za socijalni rad i Savjetima MZ. Trenutno se sredstva u ovaj fond prikupljaju putem donacijskih kutija, koje su smještene na terminalu Međunarodnog aerodroma Tuzla i Bingo centru na Šićkom Brodu kod Tuzle, ali i putem povremenih uplata putem blagajne, računa ili on-line uplata od dobrih ljudi iz lokalne zajednice i inostranstva. Ukoliko želite pokazati solidarnost prema svojim sugrađanima koji se trenutno nalaze u stanju socijalne potrebe, onda je Fond solidarnosti pravi izbor za vas! Svojim redovnim uplatama na godišnjem nivou, pomoći ćete u održavanju ovog fonda za hitne pomoći prema porodicama koji ovakvu pomoć trebaju. Ideja za preduzeća! Postanite pokrovitelj ovog fonda tako što ćete udvostručiti iznos koji se prikupi od individualnih donatora!

Nudimo usluge za preduzeća!

Fondacija tuzlanske zajednice Vam nudi usluge usmjeravanja, administriranja i distribuiranja donacija za dobrobit zajednice u Vaše ime. Mi ćemo odgovoriti na zahtjeve za podršku koji dolaze od strane udruženja i aktivnih građanskih grupa u TK koja svakodnevno pristižu na vašu adresu! Kroz projekte podržane iz vaše donacije, nudimo Vam mogućnost da povećate svoju promociju i vidljivost u zajednici!



Sa nama možete planirati donacije na godišnjem nivou, te tako ostvariti dugoročne efekte u zajednici!



U partnerstvu sa nama, možete investirati u razvoj tuzlanske zajednice na sljedeće načine:

- Budite donator nekog od postojećih fondova
- Budite donator godišnjih kampanja za prikupljanje sredstava
- Otvorite vlastiti korporativni fond pri Fondaciji tuzlanske zajednice

Na osnovu naše šeme doniranja obezbjeđićete sebi vidljivost u lokalnoj zajednici tokom godišnje promocije fondova i redovnih kampanja za prikupljanje sredstava:

DIJAMANTNI DONATOR – 3.000 KM

ZLATNI DONATOR – 2.000 KM

SREBRENI DONATOR – 1.000 KM

PRIJATELJ DONATOR – 500 KM



Naša vrijednost #6

Stručna

Fondacija tuzlanske zajednice se stalno usavršava i istražuje potrebe zajednice. Stvara interno okruženje u kome svi zaposleni, svojim znanjima i kapacitetima doprinose dostizanju njenih ciljeva.

Kampanja „Budi junak svoje zajednice“

Fondacija tuzlanske zajednice, svake godine, organizuje kampanju za prikupljanje sredstava za Fond za mlade i Program omladinske banke. Cilj kampanje je da, kroz partnerstava sa lokalnim preduzećima, razvijamo poduzetničke ideje kod mladih u tuzlanskoj regiji. U prethodnim godinama smo aktivirali mlade, u uzrastu od 15-30 godina, na društveni angažman i učešće u rješavanju problema u zajednici, ali i na pokretanje poduzetničkih projekata za razvoj karijere.

U okviru ovog programa, svake godine, 100 mladih osoba, uključenih u Odbore Omladinske banke u Tuzli, Lukavcu, Kalesiji, Srebreniku i Živinicama, donose odluke i distribuiraju sredstava za podršku projektima koje vode mladi. Na ovaj način, mladi upoznaju svoje okruženje, razvijaju lične vještine, grade samopouzdanje za lakše odlučivanje, rješavanje problema, komuniciranje, organiziranje događaja, pregovaranje i slično. Kroz podršku kampanji „Budi junak svoje zajednice“ možete sa nama stvarati bolje uslove za mlade i pružiti podsticajno okruženje za kvalitetan razvoj mladih i njihov ostanak u Bosni i Hercegovini.




*„Smatram da danas svatko mora dati mali dio sebe za
dobrobit cijelog društva.....*

*Osobno sam se uvjerio u impresivnu mrežu tihe solidarnosti koja postoji u
društvu, koja je vrlo raznolika, jer se ne sastoji samo od mladih idealista ili
odraslih pojedinaca koji žele učiniti nešto za drugoga iako i sami nemaju
previše, već i od uglednih poduzetnika, industrijskih magnata s mnogo novca.*

*To šareno i raznoliko mnoštvo povezuje zajednički zanos u istinskom
djelovanju za pomoć onima kojima je to najpotrebnije.“*

Paulo Koelje



Vaše darivanje je ostavština za buduće generacije

FONDACIJA TUZLANSKE ZAJEDNICE

Darujte zajednici, darovali ste sebi !

Kontakt:

Fondacija tuzlanske zajednice

Pozorišna br.13

75000 Tuzla

Bosna i Hercegovina

Tel.: + 387 35 362 830

Tel/Fax: + 387 35 362 831

E-mail: fondtz@fondacijatz.org

*Vodič za donatore štampan je u okviru projekta „Filantropija za bolju budućnost“
realizovanog uz podršku donatora Balkan Trust for Democracy i C.S.Mott fondacije,
kojima se ovom prilikom posebno zahvaljujemo.*